



USAID
HUSI POVU AMERIKANU



Lalaok Lejislatura Datoluk Parlamentu Nasional RDTL Komisaun ba Defeza, Seguransa no Negosiu Estranjeiru

Mahein Nia Lian Nú. 112, 20 Juñu 2016



(Foto: Noticias Sapo TL, 2016)

Relatóriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID)

Vizaun husi autor sira ne'ebé expresa iha publikasaun relatóriu sira ne'e la reprezenta vizaun husi Ajénsia Estadus Unidus ba Dezenvolvimentu Internasional (USAID)

Fundasaun Mahein (FM)

Website: www.fundasaunmahein.org

2016



Kontiudu sira

Kontiudu sira	2
Introdusaun	3
Metodolojia	3
Kompetensia no Kompozisaun Komisaun B Parlamentu Nasional	4
Esforsu III Lejislatura Komisaun B Parlamentu Nasional	8
Problema no Dezafiu Komisaun B Parlamentu Nasional	13
Konkluzaan	17
Rekomendasaun	17
Bibliografia	18



Introdusaun

Parlamentu Nasionál Repúblika Demokrátika Timór-Leste nia órgaun soberanu ida ne'ebé reprezenta sidadaun timór hotu-hotu no kaer podér lejislativu no podér ba fiskalizaun no desizaun polítika.¹ Parlamentu Nasionál hala'o ninia mandatoriu tuir Lei N^o. 15/2009 kona-bá Rejimentu Parlamentar nian. Lei ne'e preve funsionamentu Parlamentu Nasionáltuir periodu lejislatura no sesaun lejislativu nian. Normalmente, lejislatura ida ho durasaun tinan lima no sesaun lejislativu ida ho durasaun tinan ida.² Dadaun ne'e lejislatura datoluk (III) no sesaun lejislativu dalima (V) ne'ebé sei remata mandatu iha tinan 2017.

Parlamentu Nasionál iha "Komisaun Espesializada Permanente" hitu (7) ne'ebé establesidu iha III lejislatura nian, inklui Komisaun B rasik ne'ebé tau matan ba asuntu Defeza, Seguransa no Negosius Estranjeiru. Funsiaun prinsipal Komisaun sira nian maka atu ezamina ezbosu lei ne'ebé plenáriu refere ba sira. Fo apoiu ba plenariu hodi hala'o knár tuir konstituisaun haruka, inklui mos halo analiza no investiga asuntu sira interese nasional hodi hakerek relatoriu, pareser no rekomendasaun hodi análiza iha sesaun plenariu. Nomos fo hanoin kona-bá iniciativa lejislativa sira no akordu internasional hirak-ne'ebé haruka ba Parlamentu Nasionál.³

Durante mandatu III lejislatura Komisaun B Parlamentu Nasionál halo ona esforsu barak hodi hasa'e nivel hodi kontribui ba kriaun lei no supervizaun nian. Maibe, sei iha lakunas barak ne'ebé sai pontu dezafiu ba kna'ar prinsipal Komisaun B nian. Intermus kapasidade rekursu instituisional no pesoal ne'ebé sei limitadu, inklui mos dinâmika polítika iha Parlamentu Nasionál (opozisaun lakon)hafraku serbisu nivel (*check and balance*) Komisaun B nian.

Relatoriu ida ne'e atu fo observaun jeral kona-bá oinsa lala'ok Komisaun B Parlamentu Nasionál durante mandatu III Lejislatura nian ba asuntu defeza, seguransa nasional no negosius estranjeirus nian. Aumezmu tempu relata esforsu no dezafiu Komisaun B iha nivel supervizaun no lejislasaun nian ne'ebé liga ho responsabilidade Komisaun nian. Nune'e mos ho pontu rekomendasaun sira ba Parlamentu Nasionál Komisaun B nu'udar rezultadu husi peskiza ne'e.

Metodolojia

Relatóriu ida ne'e uza metodolojia *Security Sector Discussion* (SSD)entre peskizador Fundasaun Mahein (FM). Uza dados sekundaria sira husi publikasaun media nasional no relatóriu peskiza sira husi organizaun internasional no nasional, inklui dokumentu ofisial Governu no Parlamentu Nasionál, Konstituisaun Repúblika Demokrátika Timor-Leste nomos halo entrevista pesoal ba akademikunsira, observador polítika parlamentar nomos Komisaun B rasik.

¹ Konstituisaun RDTL () Definisiaun. Kapítulu III Artigu 92.

² JSMP. (2015). Programa Observasaun Parlamentar 2015. Relatoriu Anual JSMP.p4

³ Parlamentu Nasionál (2015). Komisaun Espesializada Permanente sira. Asesu iha link ne'e; http://www.parlamento.tl/comisaun/tl/comissoes_especializadas.php



Kompetênsia no Kompozisaun Komisaun B

1. Rekursu no pezu serbisu

Komisaun B Palamentu Nasional Timor-Leste formalmente estabesele iha fulan Jullu 2002 depois rezultadu primeiru eleisaun Assembleia Konstituante iha tinan 2001 ne'ebé organiza husi Organizasaun Nasoens Unidas (ONU) iha Timor-Leste.⁴ Tuir rejimentu interna Parlamentu Nasional artigu 30 define Komisaun B nu'udar Komisaun Espesializada Permanente ne'ebé iha mandatu konstitusional hodi tau matan ba asuntu importante tolu maka hanesan "Negosius Estranjeirus, Defeza no Seguransa Nasional".⁵

Alende tau-matan ba asuntu negosius estranjeirus, defeza no seguransa, Komisaun B mos tau-matan ba asuntu fundamentu seluk hanesan timor-oan ne'ebé hela iha estranjeirus, politika koperasaun internasional, tratadu no akordu internasional sira, akompañamentu estatutu internasional ba lingua Português, tau matan ba asuntu CPLP, promosaun interese Timor-Leste ba estranjeirus, asuntu integrasaun rejaun ASEAN, forum pasifiku, defeza nasional, koperasaun militar, seguransa públiku, protesau sivil no migrasaun.⁶

Nu'udar Komisaun Espesialidade Permanente, Komisaun B iha responsabilidade atu kontribui ba sesaun legislativu durante mandatu lejislatura tinan lima nian. Liu husi kada sesaun legislativu fo apoiu ba plenariu hodi halo diskusaun no aprovasaun Lei no Orsamentu Jeral Estadu (OJE) kada tinan. Komisaun ne'e mos iha kompetênsia hodi halo análiza no investiga asuntu sira ba interese nasional, hakerek relatóriu, paraser no rekomendasaun hodi hato'o ba plenariu. Involva diskusaun no fo hanoin kona-bá proposta ka projeitu lei nomos akordu internasional sira ne'ebé haruka ba Parlamentu Nasional.⁷

Hodi ezejuta mandatu importante Komisaun B ninia kompozisaun membru mai husi partidu hirak ne'ebé hetan asentu iha Parlamentu Nasional. Atualmente kompozisaun membru Komisaun B iha III lejislatura hamutuk ema na'in 9 ne'ebé ninia representante mai husi partidu tolu maka hanesan Congressu Nasional Rekonstrusaun Timor (CNRT) ema na'in hat (4), Partidu Demokratiku (PD) ema na'in ida (1), no Frente Revolucionariu Timor-Leste Independente (FRETILIN) ema na'in haat (4).

⁴ Fundasaun Mahein. (2014, Marsu 31). Nota Importante iha Ezekusaun Osamentu Estadu 2014 ba Seitor Defeza no Siguransa. Asesu iha link ne'e; <http://www.fundasaunmahein.org/2014/03/31/nota-importante-iha-ezekusaun-oje-2014-ba-seitor-defeza-no-siguransa-prespetiva-sosiedade-sivil/>

⁵ Parlamentu Nasional. (2012, Agostu 14). Kompozisaun Komisaun Espesializada Permanente.p4

⁶ Jornal da Republica. (2012, Agostu 22). PARLAMENTO NACIONAL. Asesu iha link ne'e; http://www.laohamutuk.org/misc/gov5/ParlNatserie1_no29-2012pt.pdf

⁷ Parlamentu Nasional. (2012).Comissão Especializada Permanente sira. Asesu iha link ne'e; http://www.parlamento.tl/comisaun/tl/comissoes_especializadas.php



Tabela 1: Estrutura Komisaun B peridou 2012 - 2017⁸

Nú	Naran Deputadu/a	Bankada	Kargu
1	David Dias Ximenes	FRETILIN	Prezidenti
2	Duarte Nunes	CNRT	Vise-Prezideti
3	Jacinto Viegas Vicente	CNRT	Sekretariu
4	César Valente de Jesus	CNRT	Membru
5	Maria Rosa da Câmara "BI SOL"	CNRT	Membru
6	Adriano João	PD	Membru
7	Manuel Gaspar Soares da Silva	FRETILIN	Membru
8	António dos Santos "55"	FRETILIN	Membru
9	Ana da Conseqüência Ribeiro	FRETILIN	Membru

Fontes: Parlamentu Nasional 2016

Haree husi kompozisaun iha tabela leten, tuir FM nia monitorizasaun identifika katak intermus kapasidade rekursu institusional nomos rekursu umanu Komisaun B la proporsional ho pezu serbisu komisaun nian ne'ebé kobre area luan no kompleksu. Kamada kompozisaun III⁹ lejislatura Komisaun B rasik sei domina husi jersaun tuan (veteranu sira) hahu husi nivel lideransa to'o membru bai-bain. Maioria membru Komisaun B mai husi esperiensa funu, ladun iha kuiñesementu kle'an kona-bá lei, negosius estranjeirus, defeza no seguransa nian.¹⁰ Kompozisaun ida ne'e, sai dezafiu ba Komisaun B hodi halo fiskalizasaun ho efisiente no efikasias ba area temátiku sira ne'ebé Komisaun B kobre. Nune'e mos labele kontribui diak ba kriaun lei durante no kada sesaun lejislativu.¹¹

2. Apoiu komisaun ba kriaun lei

Normalmente prosesu kriaun lei tuir Konstituisaun bele inisia mai husi Parlamentu Nasional liu husi deputadu sira no bankada parlamentar, no bele mos mai husi governu.¹² Ezbosu lei ne'ebé mai husi Governu naran "Proposta Lei" no ezbosu lei husi Parlamentu bolu naran "Projetu Lei".¹³ Bazeia ba iniativa husi proposta ka projetu lei hirak ne'e sei admite uluk ba Prezidente Parlamentu Nasional, hafoin enkamina ba Komisaun hodi halo diskute, análiza no apresiasaun inisiu antes halo diskusaun no votasaun jeneralidade iha plenaria. Nune'e mos, antes tama iha votasaun final global, sei iha faze diskusaun no votasaun espesialidade iha komisaun nian.

⁸ Estrutura Komisaun B Parlamentu Nasional III lejislatura domina husi partidu rua maka hanesan CNRT ho FRETILIN.

⁹ Kompozisaun iha tabela 1 hatudu katak nivel presidente no vise presidente okupa husi veteranu.


¹⁰ Bendito, Anteiuro. (2016, Abri) Dosente Universidade Nasional Timor-Leste – UNTL. Intervosta pesoal.

¹¹ Parlamentu Nasional. (2002). Komisaun B nia Kompozisaun. Asesu iha link ne'e; [http://www.parlamento.tl/docs/Publicasaun/Brosura/B%20tetun\[1\].pdf](http://www.parlamento.tl/docs/Publicasaun/Brosura/B%20tetun[1].pdf)

¹² Konstituisaun RDTL. (2002, Marsu 22). Iniativa lei nian. Artigu 97 alinea 1.

¹³ Parlamentu Nasional (2015). Prosesu lejislativu nian. Asesu iha link ne'e; <http://www.parlamento.tl/tetum/oprocessolegislativo.php>

Diagrama 1: Eskema prosesu lejislativu tuir Konstituisaun



Fontes: <http://www.parlamento.tl/tetum/oprocessolegislativo.php>

Relata ba prosesu kriasaun lei tuir diagrama iha leten, Komisaun B rasik durante mandatu III lejislatura fo kontribuisaun maka'as ba kriasaun lei no rezolusaun sira ba asuntu defeza no seguransa nian. Halo ona diskusaun, apresiasaun no aprovasaun ba Proposta Lei Nú. 32/III Lei Migrasaun no Asíliu nian.¹⁴ Proposta rezolusaun Nú. 17 akordu entre RDTL ho Santa Se, Proposta Lei Nú 11/2a sobre Organizasaun Investigasaun Kriminal, Proposta Rezolusaun Nú

¹⁴ JSMP. (2015). Programa Observasaun Parlamentar 2015. Relatoriu Anual JSMP.p9



6/III (2a) Akordu supresaun ba vistu no pasaporte diplomatiku no serbisu entre Timor-Leste ho Indonézia, relatóriu no paraser Konseitu Estratejiku Defeza no Seguransa Nasional (KEDSN).¹⁵

Inklui rezolusaun akordu bilateral no konvensaun internasional hamutuk lima (5) ne'ebé Komisaun B nia kontribuisaun to'o votasaun final globaliha plenariu Parlamentu Nasional maka hanesan tuir mai ne'e.

Tabela 2: Proposta Rezolusaun ne'ebé haruka ba Komisaun B tinan 2014 - 2015¹⁶

Nú. Proposta Rezolusaun	Titlu	Data Tama	Haruka ba Komisaun B	Votasaun Final Global		
				Af	Ko	Ab
7/III (2 ^a)	Akordu entre Governu RDTL ho Governu Repúblika Popúlar Xina kona-bá insensaun (la uza) vistu ka viza ba titular pasaporte diplomatiku no serbisu	06/09/2014	16/09/2014	45	0	0
9/III (3 ^a)	Ratifikasaun Konvensaun UNESCO nian ba Protesaun Patrimoni Mundial, Kultura no Natural	20/01/2015	28/04/2015	48	0	0
10/III (3 ^a)	Ratifika Konvensaun UNESCO nian ba Salvaguarda Patrimoni Kultural Imaterial	20/01/2015	28/04/2015	48	0	0
11/III (3 ^a)	Ratifikasaun Konvensaun UNESCO nian ba Protesaun no Promosaun Diversidade Experesaun Kultural sira.	20/01/2015	28/04/2015	48	0	0

Fontes: Relatoriu Anual JSMP, 2015

Maibe, fatór kapasidade rekursu instituisaun no membru Komisaun B ne'ebé maioria mai husi esperiensa funu, ladun iha kuiñesementu kle'an kona-bá lei labele aselera lalais prosesu diskute no halo análiza ho kle'an.¹⁷ Hanesan Proposta Lei Nú. 32/III Lei Migrasaun no Asíliu nian ne'ebé tama iha Komisaun B iha tinan 2015 to'o ohin loron sei kontinua iha faze diskusaun no análiza. Maske halo ona audensia lubuk entre tinan 2015 no 2016 ho orgaun kompetente sira.¹⁸

¹⁵ Asesu portal Parlamentu Nasional. <http://www.parlamento.tl/agenda/comissao/>. Fundasaun Mahein fiar katak Komisaun B durante ne'e karik halo ona apresiasaun no aprovasaun ba lei seluk ne'ebé FM la konsege mensiona. FM iha difikuldade ba dadus tanba durante entrevista ho Prezidenti Komisaun B la fo informasaun detallu kona-bá asuntu hirak ne'e. Tenta ona dala-barak no haruka karta ba Partidu sira ne'ebé ninia deputadu iha Komisaun B mos laiha resposta atu halo entrevista.

¹⁶ Rezolusaun hirak ne'e pasa ona iha Votasaun Final Global maibe la promulga no publika. (Relatoriu Anual JSMP 2015.p18)

¹⁷ Bendito, Antero. (2016, Abril) Docente Universidade Nasional Timor-Leste – UNTL. Intervosta pesoal.

¹⁸ JSMP. (2015). Programa Observasaun Parlamentar 2015. Relatoriu Anual JSMP.p9




Problema seluk maka kompozisaun Komisaun B ne'ebé kuaze husi bankada FRETILIN¹⁹ no CNRT ka partidu ne'ebé forma Governu nomos dominasaun ho “*Conflict of Interest*” husi deputadu sira atu kontinua hetan privileju no goza pozisaun iha Parlamentu halakon vontade atu halo serbisu “*check and balance*” ho eficiente no efikasias.²⁰ Nune'e mos menus kuiñesementu deputadu sira kona-bá termu jurdiku iha lingua Portugés nu'udar obstaklu ba membru Komisaun atu aselera prosesu kriasaun lei no hodi dezenvolve lei ruma.²¹

Esforsu III Lejislatura Komisaun B Parlamentu Nasional

1. Fiskalizasaun no lejislasaun ba asuntu defeza no seguransa

Kualidade nu'udar “Komisaun Espesializada Permanente” ba asuntu defeza no seguransa nian, durante sesaun lejislativu (2014 – 2016) Komisaun B halo ona esforsu balun hodi hasa'e nivel fiskalizasaun no lejislasaun kontribui ba kriasaun lei, fo hanoin kona-bá iniciativa lejislativuba akordu internasional sira ne'ebé haruka ba Parlamentu Nasional. Esforsu ida ne'e formula iha ajenda traballu Komisaun B nian durante no kada sesaun lejislativu.²²

Durante mandatu III lejislatura iha sesaun lejislativu 2014-2016 nian, Komisaun B tau ajenda perioridade ba fiskalizasaun no lejislasaun nian. Iha nivel fiskalizasaun Komisaun B halo vizita ba munisipiu sira, kuartel F-FDTL no PNTL. Ba asuntu lejislasaun nian sai mos ajenda importante ba Komisaun B hodi halo audensia públiku ho sosiedade sivil, Governu no komandante polisia no militar, halo diskusaun, apresiasaun no aprovasaun ba Proposta Lei, Projeitu Lei no Proposta Rezolusaun ba asuntu defeza no seguransa ne'ebé enkamina ba meja Komisaun B.²³



¹⁹ Partidu FRETILIN la tama bloku koligasaun maibe suporta Governu nian politika no programa ne'ebé laiha ona opozisaun iha Parlamentu Nasional.

²⁰ Obrsevasaun jeral Fundasaun Mahein-FM ba sesaun plenariu iha Parlamentu Nasional durante III lejislatura.

²¹ JSMP. (2015). Programa Observasaun Parlamentar 2015. Relatoriu Anual JSMP.p22.

²² Haree pajina Parlamentu Nasional http://www.parlamento.tl/comisaun/tl/comissoes_especializadas.php

²³ Dias, David Ximenes. (2016, Abril). Prezidenti Komisaun B Parlamentu Nasional. Entrevista pesoal.



Fontes: Resultadu peskiza FM – 2016

Relata ba grafiku iha leten, tuir monitorizasaun FM identifika katak durante sesaun lejislativu (2014 to'o 2016) Komisaun B nia agenda traballu ba fiskalizasaunmais-menus dala sanolu resin rua (12)²⁴, agenda ba diskusaun no audensia ho entidade sira (Governu, Prezidente Tribunal, sociedade sivil, pesoal peritu no Komandu Polisia – Militar maizumenus dala sanolu resin haat (14).

Iha nivel fiskalizasaun nian, agenda traballu Komisaun B iha tinan 2014 ba Munisipiu lima (5) maka Munisipiu Manufahi, Dili (Atauro, Oe-Cusse, Baucau, Lautem. Agenda vizita kuartel instituisaun polisia no militar dala ida deit maka Kuartel Polisia Espesial iha Bairro-Pite, agenda seluk maka fiskalizasaun ba akizisaun sosa kilat ba PNTL husi PT PINDAD Indonézia.²⁵ Tinan 2015, agenda fiskalizasaun Komisaun B ba munisipiu rua (2) deit maka hanesan Ermera no Covalima.²⁶ Iha tinan ida ne'e (2016) Komisaun B halo ona vizita ba Munisipiu tolu (3) maka Manufahi, Likisa no Bobonaro.²⁷

Kabe ba agenda traballu Komisaun B kona-bá fiskalizasaun mukit tebes. Indika katak Komisaun B barak serbisu nosimu informasaun iha sala komisaun duke halo vizita fiskalizasaun ba munisipiu sira. Maske atividade fiskalizasaun ne'e importante ba Komisaun B iha nivel “*check and balance*” hodi bele evita pratika abuzu poder, garante sustentabilidade política Estadu ba dezvoltamentu instituisaun polisia – militar nomos akuntabilidade ba seguransa povu nian.²⁸

Ajenda fiskalizasaun mos la refleta no bazeia ba nesesidade no preokupasaun públiku nian. Ezemplu iha tinan 2015, Governu hasai rezolusaun hodi halo Operasaun Konjuntu HANITA hasoru grupu Konsellu Revolusionariu Maubere (KRM) iha Munisipiu Baucau ne'ebé halo povu inosente barak sai vitima ba atuasaun polisia no militar.²⁹ Komisaun B laiha agenda fiskalizasaun ba Munisipiu Baucau, maibe halo fali agenda fiskalizasaun ba Munisipiu Covalima no Ermera,³⁰ parese tanba Parlamentu Nasional maka halo aprovasaun ba rezolusaun refere?

Komisaun B mos laiha agenda fiskalizasaun ba instituisaun F-FDTL rasik hodi haree direta kondisaun militar nian, iha deit audensia formal ho Komandante F-FDTL hodi diskute sobre kestaun seguransa no dezvoltamentu instituisaun. Maske durante ne'e preokupasaun barak

²⁴ Haree pajina website Parlamentu Nasional: <http://www.parlamento.tl/agenda/comissao/>

²⁵ Parlamentu Nasional. (2014). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2014.php>

²⁶ Parlamentu Nasional. (2015). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2015.php>

²⁷ Parlamentu Nasional. (2016). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/>

²⁸ Boavida, Germano. (2009, Setembru 22). FUNSAUN PARLAMENTU IHA ESTADU DEMOKRATIKU. Asesu iha link ne'e; <http://forum-haksesuk.blogspot.com/2009/09/funsaun-parlamentu-iha-estadu.html>

²⁹ Timor Post. (2015, Juñu 06). MATA DALAN KOK TIRU MATE IHA BAGUIA. Media Online. Asesu iha link ne'e; <http://www.timorhauniandoben.com/2015/07/mata-dalan-kok-tiru-mate-iha-baguia.html>

³⁰ Parlamentu Nasional. (2015). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2015.php>



mai husi instituisaun F-FDTL hanesan Komponente Naval ne'ebé kestiona bebeik problema portu Naval no kondisaun Ro Naval sira. Menus husi fiskalizaun halo Komisaun B laiha informasaun suficiente hodi husu perguntas no hato'o rekomendasaun durante prosesu plenariu iha Parlamentu Nasional.³¹ Nune'e mos, Komisaun B laiha relatóriu husi rezultadu fiskalizaun ne'ebé formalmente pública iha portal Parlamentu Nasiona nianl.³² Maske nune'e Prezidente Komisaun B rejenta sempre halo relatóriu bebeik maibe Governu maka la tau konsiderasaun.

Enkuantu ajenda ba lejislasaun nian, ajenda diskusaun no apresiasaun Proposta Lei, Proposta Rezolusaun no audensia públiku iha tinan 2014 hanesan diskusaun relatóriu no pareser Proposta Lei Nú 11/2a sobre Organizaun Investigasaun Kriminal; audensia públiku ho Prezidente Tribunal no Prokurador Jeral sobre Proposta Lei Nú 11/2a sobre Organizaun Investigasaun Kriminal; Audensia ho Sekretaritu Estadu Siguransa - SES, Xefi Gabinetei Ministériu Defeza no Seguransa (MDS) Sekretariu Estadu Defeza (SED) no Polisia Nasional Timor-Leste (PNTL) sobre apresiasaun inisial ba Proposta Lei Nú 16/III (3a) Osamentu Jeral Estadu (OJE) 2015 nian.³³

Iha tinan 2015, Komisaun B kontinua ajenda kona-bá apresiasaun no aprovasaun relatóriu pareser Proposta Lei Nú 2/III (2a) Sobre Organizaun Investigasaun Kriminal; halo apresiasaun relatóriu no paraser Konseitu Estratejiku Defeza no Seguransa Nasional – (KEDSN).³⁴ Atualmente (2016), tuir ajenda traballu Komisaun B halo ona diskusaun no aprovasaun data reunisaun anterior no aprovasaun inisial Proposta Lei Nú 30/III (4^o) sobre lei Migrasaun no Asiliu; apresiasaun no aprovasaun relatoriu pareser Proposta Lei Nú 31, Migrasaun no Asiliu; audensia pública ho Diretor Migrasaun sobre Proposta Lei Migrasaun no Asiliu nian.³⁵

Haree husi ajenda ba lejislasaun nian, Komisaun B hatudu komitmentu boot no fo porsaun tempu barak ba diskusaun, apresiasaun no aprovasaun inklui mos halo audensia públiku. Maibe, durante tinan tolu nian laran proposta lei hirak ne'ebé tama iha meja Komisaun B kontinua kaduka hela. Komisaun B gasta ona tempu barak ba diskusaun no audensia, kontinua laiha rezultadu diak husi esforsu Komisaun B nian.

Proposta Lei Migrasaun no Asiliu to'o ohin loron kontinua iha faze diskusaun, maske halo ona audensia públiku lubuk ida ho ministeriu relevante, peritu sira no sosiedade sivil. Kestaun maka Komisaun B ladun konsidera opiniaun sira husi sosiedade sivil, tendensia audensia públiku no

³¹ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal.

³² Parlamentu Nasional. (2014) Comissão de Negócios Estrangeiros, Defesa e Segurança Nacionais: Asesu iha link ne'e; <http://www.parlamento.tl/comisaun/pt/Relatorio.php>

³³ Parlamentu Nasional. (2014). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2014.php>

³⁴ Parlamentu Nasional. (2015). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2015.php>


³⁵ Parlamentu Nasional. (2016). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/>

diskusaun sira atu kompleta deit ajenda traballu Komisaun B nian. Nune'e mos Komisaun B ladun iha iniciativa hodi propoin fila fali esbosu lei hirak ne'ebé pendete tanba tempu lejislativu remata ona. Ezemplu Proposta Lei Nú 9/II, Lei Armas ne'ebé admite ona ba Parlamentu Nasional iha tinan 2008 to'o ohin loron kontinua pendente.³⁶

2. Lejislasaun no fiskalizaun ba asuntu negosius estranjeirus

Komisaun B Parlamentu Nasional nia mandatu konstituisaun seluk maka atu tau-matan no fiskalizaun ba kna'ar sira Governu iha polítika negosius estranjeirus nian. Nu'udar "Komisaun Especializada Permanente" ba asuntu defeza no siguransa nian, Komisaun B fo prioridade ba ajenda fiskalizaun no lejislasaun. Intermus lejislasaun Komisaun B fo hanoin kona-bá iniciativa lejislativu ba akordu internasional iha uma fukun Parlamentu Nasional. Asuntu lejislasaun ne'e define iha ajenda traballu Komisaun B nian.³⁷

Durante sesaun lejislativu 2014 – 2016, III lejislatura Komisaun B halo esforsu barak hodi halo diskusaun, apresiasaun no aprovasaun kona-bá Proposta Rezolusaun sira ba asuntu defeza no seguransa ne'ebé enkamina ba meja Komisaun B.



Fontes: Rezultadu peskiza FM – 2016

Haree husi diagrama iha leten, kuaze mandatu III lejislatura besik atu remata ona, Komisaun B Parlamentu Nasional laiha ajenda fiskalizaun, hatudu nivel “*check and balance*” ba asuntu negosius estranjeirus sai mukit tebes. Iha deit ajenda kona-bá audensia públiku, diskusaun, apesiasaun no aprovasaun ba relatóriu, proposta rezolusaun no akordu internasional sira iha area negosius estranjeiru nian.

³⁶ JSMP. (2015). Programa Observasaun Parlamentar 2015. Relatoriu Anual JSMP.p11

³⁷ Haree pajina Parlamentu Nasional

http://www.parlamento.tl/comisaun/tl/comissoes_especializadas.php



Ezemplu, Tinan 2014, Audensia ho MNEK sobre Proposta Rezolusaun Nú 6/III (2a) Akordu supresaun ba vistu no pasaporte diplomatiku no serbisu entre Timor leste ho Indonézia; apresiasaun relatóriu Proposta Rezolusaun Nú 6/III (2a) Akordu supresaun ba vistu no pasaporte diplomatiku no serbisu entre Timor-Leste ho Indonézia; audensia públiku ho Ministeriu Negosius Estranjeiru no Kooperasaun (MNEK) sobre apresiasaun inisial ba Proposta Lei Nú 16/III (3a) OGE 2015 nian.³⁸

Tinan 2015, ajenda importante Komisaun B maka halo apresiasaun no aprovasaun Proposta Rezolusaun Nú 9/III(3a) Ratifikasaun Konvensaun UNESCO nian ba Protesaun Patrimoniun Mundial no Natural; Apresiasaun no aprovasaun Proposta Rezolusaun Nú 11/III Ratifikasaun Konvensaun UNESCO nian ba Protesaun. Aprovasaun relatóriu no pareser ba Proposta Rezolusaun Nú. 17 akordu entre Repúblika Demokratika Timor-Leste ho Santa Se.³⁹

Maibe, nivel kuiñesementu membru Komisaun B sira ne'ebé limitadu ba asuntu negosius estranjeirus hafraku serbisu supervizaun nian. Faktus hatudu (haree grafiku 2) katak durante tinan tolu nia laran (2014 – 2016) Komisaun laiha ajenda espesifiku kona-bá fiskalizaun ba serbisu MNEK no produtividade serbisu diplomata Timor-Leste iha nasaun estranjeiru. Tanba durante ne'e dala-balun mosu dezastre diplomasia iha estranjeiru hanesan ema halo pasarevista hasoru lider Timor-Leste iha vizita ofisial sira.⁴⁰

Kazu seluk maka hanesan situasaun seguransa sidadaun Timor-Leste ninia rezidensia iha estranjeiru. Ezemplu, iha Fevereiro 2016 Migrasaun Indonesia halo deportasaun ba estudante timor-oan hamutuk ema na'in 80 tanba konsidera hela ilegalmente.⁴¹ Kestaun ne'e tuir lolos nu'udar kompetênsia Komisaun B atu fiskaliza tuir. Lliu husi kordenasaun ho Ministeriu Edukasaun , MNEK no embaador Timor-Leste iha Jakarta hodi nune'e bele asegura situasaun siguransa sidadaun timor-oan (estudante) sira iha estarajeirus.

Pelu-kontrariu, Komisaun B nia fiskalizaun dala-barak liu komentariu iha media deit, la bazeia ba dados no informasaun. Iha ne'ebé Komisaun B nia fiskalizaun identiku iha "surat tahan leten" deit.⁴² Presiza iha apoiu tékniku hodi halo peskiza no rekolla informasaun kona-bá asuntu negosius estranjeirus nian para bele fornese dados ba Komisaun B atu halo análiza no diskute iha plenaria Parlamentu Nasional nian.

³⁸ Parlamentu Nasional. (2014). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2014.php>

³⁹ Parlamentu Nasional. (2015). Agenda das Reuniões das Comissões Especializadas Permanentes. Asesu iha link ne'e; <http://www.parlamento.tl/agenda/comissao/2015.php>

⁴⁰ Freitas, Antonio. (2015, Abril) Diretor Executivo Dili Institute of Startegis and International Studies - DISIS. Entrevista pessoal

⁴¹ STL. (2016, Fevereiro 23). Moris Ilegal Iha Indonesia, Estudante 80 Deportada Mai TL. Media Online. Asesu iha link ne'e; <http://timoragora.blogspot.com.es/2016/02/moris-ilegal-iha-indonesia-estudante-80.html>

⁴² Freitas, Antonio. (2015, Abril) Diretor Executivo Dili Institute of Startegis and International Studies - DISIS. Entrevista pessoal



Problema no Dezafiu Komisaun B Parlamentu Nasional

1. Fiskalizasaun no lejislasaun ba asuntu defeza no seguransa

Realmente membru Komisaun B dadaun ne'e maioria ninia esperensia oituan mai husi funu, no sei kontinua iha faze apriende. Membru Komisaun ne'ebé limitadu nomos nivel kuiñesementu ne'ebé naton deit labele halo prosesu fiskalizasaun no investigasaun ne'ebé eficiente no efikasias ba programa Governu no nia implementasaun.⁴³

“III lejislatura ne'ebé David Dias Ximenes “Mandati” (Prezidente Komisaun B) assume komisaun iha avansadu oituan mais dala-ruma tanba sira nia ema nia kuiñesementu limitadu, entaun psiklojikamente atu halo supervizaun ka monitorizasaun sai defisil”,⁴⁴

Iha tinan 2013, mosu indikasaun korupsaun iha ezekusaun orsamentu Ministériu Defeza no Seguransa (MDS) nian. Maizumenus projetu hamutuk 209 ne'ebé ezekuta husi MDS hodi hari'i infra-estrutura, fornese ekipamentu no facilidade ba instituisaun F-FDTL no PNTL la tuir prosesu konkursu públiku, ho deit tipu ajudikasaun direta. Impaktu husi mal-jestaun Governu nian fo impaktu maka'as ba dezvoltamentu infra-estrutura ba instituisaun F-FDTL – PNTL.⁴⁵

Modelu fiskalizasaun identiku kontrolu projetu fíziku deit. Ladun tau atensaun ba nivel prosedementu administrasaun hanesan planeamentu, prosesu aprovizionamentu to'o ninia implementasaun.⁴⁶ Rezultadu maka Governu tinan-tinan fakar osan barak ba dezvoltamentu instituisaun polisia no milita ho saugate deit. Kazu hanesan Governu sosa Ro husi Xina no konstrusaun portu Naval Hera ne'ebé sai polêmica, maibe laiha fiskalizasaun kle'an husi Komisaun B. Kestaun maka Parlamentu Nasional iha amizade forte ho Governu sai pontu fraku ba Komisaun nia fiskalizasaun. Maske desizaun Governu dala-ruma “emergensia” ne'ebé la tuir prosedementu ba aprovizionamentu nian.

Iha lidun lejislasaun nian, Komisaun B kontinua hetan problema boot. Membru Komisaun B balun laiha kuiñesementu akademiku kona-bá lei no la domina ba asuntu defeza no seguransa nian. Difikulta Komisaun B hola inisiativa hodi prepara projeitu lei ka propoin fali esbozu lei kona-bá asuntu defeza no seguransa nian ne'ebé durante ne'e pendete⁴⁷, nomos difikulta iha prosesu diskusaun no fo análise kle'an Proposta Lei no Proposta Rezolusaun sira ne'ebé tama

⁴³ Benedito, Antei. (2016, Abril) Docente Universidade Nasional Timor Lorosa'e(UNTL). Entrevista pesoal.

⁴⁴ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal.

⁴⁵ Asuntu ne'e Fundasaun Mahein kestiona iha relatoriu Nota Ezekusaun Osamentu MDS iha 2013 ne'ebé lansa oficial Sekretariu Estadu Defeza, Julio Tomas Pinto iha tempu refere.

⁴⁶ Fundasaun Mahein. (2014, Marsu 31).Nota Importante iha Ezekusaun Osamentu Estadu 2014 ba Seitor Defeza no Siguransa. Asesu iha link ne'e; <http://www.fundasaunmahein.org/2014/03/31/nota-importante-iha-ezekusaun-oje-2014-ba-seitor-defeza-no-siguransa-prespetiva-sosiedade-civil/>

⁴⁷Projeitu lei ne'e bele mai husi individu, komisaun no bankada parlamentar.



iha meja Komisaun nian.⁴⁸Faktus hirak ne'e minimiza kualidade Komisaun B nu'udar orgaun lejislador.

Instituisaun F-FDTL – PNTL kontinua falta ba lei balun hodi orienta atividade operacional. Liu-liu Komponente Naval F-FDTL to'o agora seidauk iha Lei Organika rasik.⁴⁹ Inisiu 2014, lider masimu F-FDTL, Major General Lere Anan Timor konfirma katak Governu no Parlamentu Nasional (Komisaun B) sei prepara lei hirak ne'e.⁵⁰ Realidade to'o ohin lora Governu no Komisaun B la halo asaun konkretu ruma. Nune'e mos proposta Lei Nú 9/II, Lei da Armas ne'ebé tama iha meja Komisaun B iha II lejislatura kontinua kaduka, laiha insiativa foun husi Komisaun B hodi propoin fali durante mandatu III lejislatura.⁵¹

Parte seluk, instituisaun seguransa rasik sei falta Lei importante sira, liu-liu Lei Migrasaun no Asíliu nian. Governu rasik hato'o ona Proposta Lei Nú 31/III Lei Migrasaun no Asíliu ne'ebé tama ona meja Komisaun B iha tinan 2015, ate agora sei kontinua iha faze diskusaun no konsultasaun, seidauk lori ba plenaria Parlamentu Nasional.⁵²Fundasaun Mahein husu Komisaun B presiza tau perioridade ba esbosu Lei Armas no proposta Lei Migrasaun no Asíliu nian antes mandatu III lejislatura remata iha tinan 2017.

Iha ambitu intelejensia nian mos sei iha problema barak liu-liu kona-bá lei. Durante ne'e Serbisu Nasional Intelejensia (SNI) rasik seidauk iha Lei Mandatu Intelejensia, iha deit Lei Estrutura Intelejensia nian. Maske nune'e, Komisaun B rasik to'o ohin lora seidauk hatudu ninia vontade hodi buka solusaun refere. Situasaun hirak ne'e dala-balun hamosu konfuzaun iha nivel operacional intelejensia nian, identiku SNI halo kompetisaun serbisu ho Serbisu Intelejensia Polisia (SIP) no Serbisu Intelejensia Militar (SIM).⁵³

Komisaun B Parlamentu Nasional presiza iha apoiu tekniku (peritus) ba asuntu lejislasaun. Dadaun ne'e, institusionalmente Komisaun B iha asesoria ida kona-bá lei husi nasaun Portugal. Maibe, kestaun lingua Tetun dala-ruma labele halo intepretasaun ba lei no esplika lei ba membru Komisaun B atu kompriende ho diak.Presiza iha peritu ne'ebé mai husi multi-akademiku ba asuntu negosius estranjeirus, defeza no segurasan, lei no finanseiru nian. Ho nune'e bele fornese informasaun suficiente ba membru Komisaun B nu'udar orgaun supervizaun ba politika no programa Governu nian.⁵⁴

⁴⁸ Boavida, Matias. (2016, Abril) Dosente Universidade Nasional Timor Lorosa'e (UNTL). Entrevista Pesoa

⁴⁹ Media STL. (2014, Janeiro 12). Estada Presiza Defini Autoridade Maritima no Legaliza Lei Naval. Asesu iha link ne'e; <http://suara-timor-lorosae.com/estada-presiza-defini-autoridade-maritima-legaliza-lei-naval/#sthash.XsxTv5Tc.dpuf>

⁵⁰ Haree footnote 50

⁵¹ JSMP. (2015). Programa Observasaun Parlamentar 2015. Relatoriu Anual JSMP.p11

⁵² JSMP. (2015). Programa Observasaun Parlamentar 2015. Relatoriu Anual JSMP.p9

⁵³ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoa.

⁵⁴ Boavida, Mateus. (2016, Abril) Dosente Universidade Nasional Timor-Leste – UNTL. Entrevista Pesoa



2. Fiskalizasaun no lejislasaun ba asuntu negosius estranjeirus

Komisaun B mos kontinua hetan problema boot intermus fiskalizasaun ba asuntu negosius estranjeirus nian. Kuiñesementu akademiku membru Komisaun B ne'ebé limitadu kona-bá asuntu negosius estranjeirus difikulta kna'ar fiskalizasaun nian.⁵⁵ Maske membru Komisaun B durante ne'e halo estudu komparativu barak iha rai-liur⁵⁶ nomos hetan formasaun iha rai-laran kona-bá fiskalizasaun politika no osamentu nian.⁵⁷ Politika rekrutamentu partidu ne'ebé la haree kualifikasaun deputadu/a sai mos pontu esesial ne'ebé prejudika nivel fiskalizasaun nian.⁵⁸

Liga ho politika MNEK nian, liu-liu establesementu no nomeasaun adidu militar no diplomata ba nasaun estranjeirus seidauk hetan fiskalizasaun rigrozu husi Komisaun B. Klaru katak asuntu estrutural ne'e kompetensia MNEK nian, maibe intermus funksionamentu ba mandatu "*chief of diplomatic*" iha estranjeirus presiza hetan supervizaun husi Komisaun B Parlamentu Nasional. Tanba embaador ka adidu militar Timor-Leste iha estranjeirus hanesan representante Estadu hodi promove interese nasional iha rai-liur.⁵⁹

Komisaun B la fiskaliza diak ba mandatu no funksionamentu serbisu diplomata intermus "protokulu" nian ne'ebé dala-barak falla iha estranjeirusdurante ne'e. Hodi hamosu dezastre diplomatiku hasoru ita nia lider sira (hetan pasa-revista) iha estranjeirus ne'ebé hamonu identidade no dignidade nasaun nia iha mundu internasional.⁶⁰ Maibe, Komisaun B ladun iha inisiativa hodi bolu MNEK no embaador iha estranjeirus hodi klarifika kona-bá dezastre diplomatiku hirak ne'e. Hatudu katak nivel komunikasaun entre MNEK ho Komisaun B sei iha faze dezenvolve.⁶¹

Kestaun intersepsaun diplomatiku ne'ebé durante ne'e Timor-Leste infrenta mos ladun hetan atensaun diak husi Komisaun B Parlamentu Nasional. Hanesan kazu "*penyadapan*" husi Governu Estados Unidus Amerika no Australia hasoru Timor-Leste. Maske ikus mai Komisaun B hetan esplikasaun husi MNEK kona-bá asuntu ne'e, maibe haluha tiha nia responsabilidade hanesan orgaun fiskalizador ne'ebé tuir lolos bolu Embaador Amerika no Australia iha Timor-

⁵⁵ Bendito, Antero. (2016, Abril) Docente Universidade Nasional Timor-Leste – UNTL. Intervosta pesoal.

⁵⁶ Tinan 2013, Komisaun B halo estudu komparativu barak iha estranjeirus hodi aumeta kuiñesementu kona-bá politika lejislasaun no fiskalizasaun osamentu nian ne'ebé gasta osamentu barak.

⁵⁷ Diariu Nasional. (2015, Juñu 09). Timor Leste – Portugal Fahe Esperensia Fiskalizasaun Politika No Prosesu Orsamentu. Media Online; Asesu iha link ne'e; <http://www.indiario.com/2015/06/19/timor-leste-portugal-fahe-esperensia-fiskalizasaun-politika-no-prosesu-orsamentu/>

⁵⁸ Katjasungkana, Nug (2015, Abril) Observador Internacional. Entrevista Pesoal.

⁵⁹ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal.

⁶⁰ Eis Primeiru Ministru Xanana Gusmão dala ida hetan pasa-revista iha media oriente nomos vise PM (saudozu) Fernanda Lasama mos hetan pasa-revista iha Singapura.

⁶¹ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal



Leste hodi halo justifikasaun iha Parlamentu Nasional, ne'e importante tanba relasaun ho serbisu intelejensia ne'ebé ninia implikasaun boot ba nasaun.⁶²

*"Intersepsaun diplomatiku ne'ebé Estadus Unidus halo hasoru ita no Australia Hanesan kazu "penyadapan" no kazu falsifikasaun dokumentu ne'e parlamentu tenki bolu embasador Australia no embasador EUA hodi husu klarifikasaun diplomatiku, Komisaun B iha mandatu ida atu halo buat ne'e",*⁶³

Iha nivel koperasaun militar nian mos to'o ohin loron ladauk hetan atensaun masimu husi Komisaun B intermus fiskalizasaun. Maske akordu ezersisiu militar hirak ne'e importante ba Komisaun B atu fiskaliza. Tanba dala-ruma akordu militar hirak ne'e bele mos fo ameasa fali ba soberania nasional. Ezemplu balun hanesan akordu SOFA entre Timor-Leste ho Estadus Unidus Amerika ne'ebé asina iha tinan 2002 hodi premite mos instalasaun komunikasaun intelejensia nian. Inklui mos akordu militar ho nasaun seluk ne'ebé laiha definisaun klaru oinsa halo deploimentu rekrusu militar wainhira halo ezersiu konjuta ruma.⁶⁴

Tuir Fundasaun Mahein nia hanoin katak Komisaun B tenki halo fiskalizasaun maka'as ba substansia akordu koperasaun sira ne'e, haree regulamentu ba koperasaun hodi nune'e define lolos ezersisiu militar entre Timor-Leste ho nasaun estranjeirus sira. Pru-ezemplu, partika ezersisiu militar konjuta ne'e oinsa eskalaun ba mobilizasaun material ka rekursu, termu ezersisiu ne'e orienta ba prevensaun grupu terorista, krime organizadu, funu ka evakuasaun krize umanitariu nian. Akordu militar hirak ne'e mos tenki hetan aprovasaun husi Parlamentu Nasional.

Liga ho ASEAN nian, Komisaun B mos kontinua hetan obstaklu hodi halo fiskalizasaun ba lala'ok polítika Governu ba adesaun ASEAN nian. Presizamente Komisaun B halo funsaun "diplomasia parlamentar" hodi ko'alia ho Ministeriu Negosius Estranjeirus nomos parlamentu husi nasaun sira iha ASEAN. Nu'udar meus ida husi "*multi track diplomacy*" ne'ebé bele ajuda Governu nia pozisaun polítika ba adezaun ASEAN nian.⁶⁵

Nune'e mos relasaun Komisaun B ho sosiadade sivil ladun hatudu sinal diak. Maske politikamente Komisaun B iha agenda espesifiku balun hodi halo audensia públiku, maibe dala-ruma ladun tau konsiderasaun ba hanoin ka idea sira mai husi sosiadade sivil. Rezultadu monitorizasaun FM identifika katak durante sesaun lejislativu (2014 – 2016) Komisaun B Parlamentu Nasional halo audensia ho sosiadade sivil dala ida (1) deit. Hatudu katak Komisaun B ladauk konsidera sosiadade sivil nu'udar parseiru fiskalizador.

⁶² Diariu Nasiona. (2013, Novembru 22). Halo Espionajen EUA Husu Deskulpa, Australia Seidauk. Media Online. Asesu iha link ne'e; <http://www.jndiario.com/2013/11/22/halo-espionajen-eua-husu-deskulpa-australia-seidauk/>

⁶³ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal.

⁶⁴ Freitas, Antonio. (2015, Abril) Diretor Ezekutivu Dili Institute of Startegis and International Studies - DISIS. Entrevista pesoal

⁶⁵ Freitas, Antonio. (2015, Abril..) Diretor Ezekutivu Dili Institute of Startegis and International Studies - DISIS. Entrevista pesoal.



Konkluzaan

Komisaun B nia mandatu prinsipal maka apoiu plenariu tuir Konstituisaun haruka. Nomos iha responsabilidade prinsipal seluk maka halo desizaun polítika, kontribui ba kriaun lei no halo supervizaun ba planu no programa Governu nia iha ambitu negosius estranjeirus, defeza no seguransa nian. Funsau kontrolu Komisaun B nu'udar forma ida hodi kria "balansu kontrolu" hodi bele garante sustentabilidade politika Estadu nomos promove akutabilidade ba seguransa povu nian.⁶⁶

Durante ne'e Komisaun B halo ona esforsu barak hodi hasa'e nivel fiskalizaun ba asuntu negosius estranjeirus, defeza no seguransa. Liu husi vizita traballu ba Munisipiu sira iha teritoriu laran nomos halo vizita ba kuartel polisia no militar nian. Iha nivel lejislasaun, Komisaun B nia kontribuisaun lubuk ida. Liu husi agenda atividade Komisaun B halo diskusaun, análise, apresiasaun no aprovasaun ba lei no rezolusaun sira nomos agenda audensia publiku ho entidade sira hanesan sosiadade sivil, Governu no peritu sira hodi husu hanoin ba kontribuisaun kriaun lejislasaun nian.

Maske nune'e, intemus institusional no membru Komisaun B sei iha difikuldade barak. Intermus Rekursu Umanu (Membru Komisaun B maioria ninia *background* estudo no personalidadade mai husi polítiku no militar (eis veteranu) laiha kapasidade halo lei no fikalizaun ne'ebé eficiente no efikasias. Realidade hatudu durante tinan 2014 – 2016 produtividade Komisaun B kona-bá fiskalizaun no lejislasaun seidauk hatudu nivel ne'ebé signifikante. Komisaun B nia agenda fiskalizaun ladun masimu no la bazeia ba preokupasaun no nesesidade públiku nian.

Rekomendasaun

1. Rekomenda ba Komisaun B atu fortifika rekursu umanu internamente iha area estratejiku sira ne'ebé relasaun ho asuntu negosius estrajeirus, defeza no seguransa hodi mellora diak liu tan serbisu Komisaun iha nivel supervizaun no lejislasaun nian.
2. Rekomenda ba Komisaun B atu halo hasa'e fiskalizaun rigoroza ba política Ministeriu Negosius Estranjeirus no Koperasaun, liu-liu mandatu diplomata sira iha estranjeirus nu'udar representante Estadu Timor-Leste iha rai-liur.
3. Rekomenda ba Komisaun B atu estabelese liña komunikasaun ne'ebé regular ho ministériu relevante sira nomos sosiadade sivil nu'udar parseiru importante iha nivel kontrolu nian. Nomos públika relatóriu rezultadu fiskalizaun Komisaun B iha portal ofisial Parlamentu Nasional nian hodi nune'e públika bele asesu informasaun kona-bá asuntu negosius estranjeirus, defeza no seguransa rai-laran nian.

⁶⁶ Boavida, Germano. (2009, Setembru 22). FUNSAUN PARLAMENTU IHA ESTADU DEMOKRATIKU. Asesu iha link ne'e; <http://forum-haksesuk.blogspot.com/2009/09/funsaun-parlamentu-iha-estadu.html>



Bibliografia

- Boavida, Matias (2016, Abril). Dosente Universidade Nasional Timor Lorosa'e (UNTL). Entrevista Pesoal
- Boavida, Germano (2009, Setembru 22). FUNSAUN PARLAMENTU IHA ESTADUDEMOKRATIKU. <http://forum-haksesuk.blogspot.com/2009/09/funsaun-parlamentu-ih-estadu.html>
- Benedito, Antei-ro (2016, Abril) Dosente Universidade Nasional Timor Lorosa'e (UNTL). Entrevista pesoal.
- Diariu Nasional (2015, Ju'nu 09).Timor Leste – Portugal Fahe Esperensia Fiskaliza-saun Politi'kano Prosesu Orsamentu. Media Online. <http://www.jndiario.com/2015/06/19/timor-leste-portugal-fahe-esperensia-fiskaliza-saun-politika-no-prosesu-orsamentu/>
- Diariu Nasional. (2013, Novembru 22).Halo Espionajen EUA Husu Deskulpa, Australia Seidauk.Media Online. <http://www.jndiario.com/2013/11/22/halo-espionajen-eua-husu-deskulpa-australia-seidauk/>
- Fundasaun Mahein. (2014, Marsu 31). Nota Importante iha Ezekusaun Osamentu Estadu 2014ba Seitor Defeza no Siguransa.<http://www.fundasaunmahein.org/2014/03/31/nota-importante-ih-izekusaun-oje-2014-ba-seitor-defeza-no-siguransa-prespetiva-sosiedade-sivil/>
- Freitas, Antonio. (2015, Abril) Diretor Ezekutivu Dili Institute of Startegis and InternationalStudies - DISIS. Entrevista pesoal.
- Relatóriu Anual JSMP. Programa Observasaun Parlamentar 2015.
- Jornal da Republica. (2012, Agostu 22). PARLAMENTO NACIONALhttp://www.laohamutuk.org/misc/gov5/ParlNatserie1_no29-2012pt.pdf
- Katjasungkana, Nug (2015, Abril) Observador Internasional. Entrevista Pesoal.
- Konstituisaun Republika Demokratika Timor-Leste
- Parlamentu Nasional (2015). Komisaun Espesializada Permanente sira. http://www.parlamento.tl/comisaun/tl/comissoes_especializadas.php
- Parlamentu Nasional. (2002). Komisaun B nia Kompozisaun. [http://www.parlamento.tl/docs/Publicasaun/Brosura/B%20tetun\[1\].pdf](http://www.parlamento.tl/docs/Publicasaun/Brosura/B%20tetun[1].pdf)
- Parlamentu Nasional (2015). Prosesu lejislativu nian.<http://www.parlamento.tl/tetum/oprocessolegislativo.php>
- Timor Post. (2015, Ju'nu 06). MATA DALAN KOK TIRU MATE IHA BAGUIA.
- Ximenes, David Dias. (2016, Abril). Prezidenti Komisaun B Parlamentu Nasional. Entrevista pesoal.